

兩
浙
金
石
志

兩浙金石志卷十五

揚州阮元編錄

元湖州路重建府治記

在昔視邦選侯則必建寢室設官寮廩庠廩庫別其名物而爲之備又必崇垣墉嚴戟衛鐘鼓漏刻警其昏昕而爲之節大抵上以藩屏王朝下以輯寧其社稷民人焉厥後改法度置郡國隨時施宜各有損益於古諸侯之制終不能盡變洪惟

聖元混一區宇與念南服如吳興之爲郡夙號名藩宜遴選良二千石以任承流宣化之寄於是廣平馬侯膺時隆委以來作牧亦旣治事周視四顧喟然曰黃堂是爲太守

之聽事而陋若是非所以昭示憲則令衆庶見也蓋不可
一日不葺歲之不易又念吾之赤子不得乳於其母也與
同寅合志凡可便於民以全其生者靡憚於爲歲稔政治
乃召匠計役命推官范忠以董之進諸縣大夫而屬之曰
某任某職某任某事庶克底于成皆曰某等不敏敢不惟
命之從更相告語聞者謹趨之始于至大己酉三月成于
七月培卑增高加於舊若干尺增廣若干丈屋之高下大
小勢不能相權者悉歸於壹堂皇靖深翼以兩廡晨起坐
堂上澄神滌慮發號施令如明鏡止水物來而能名事來
而能應期會簿書非侯之所爲治也堂曰帥正正身帥下
子帥以正孰敢不正如表之端則其影是直理也右曰公

生明兩推官之所居也左曰思無邪衆郡幕之所舍也夫公於已而後能公於人公則明明則通溥思也無思土木也惟有思而無所思乎否則邪闇塞此先儒之言不可以末之知也麗譙未葺所關尤重腐敗者皆撤而新之銅壺玉漏千里之內鼓角驪亮民所欣快况人之置壺必求其安則水之浮箭必得其平矣君子以觀政焉聽後爲便齋雲窻風檻周回映帶据經諏律於斯焉處可可否否惟真是之歸又其後爲樓居洞朗軒豁益崇廓以大湖山如在戶庭閭里如在目睫類無不得其情者是舉也役不踰時民不知役由中徂外惟塗墍茨莫不堅好承以木石加以藻繪丹碧焜耀見所未會士若民皆舉手相賀曰昔者煥

休之今者賁飾之非侯之力而誰然侯未始以自多也乃相與屬記于子子氓也以耄悞固謝弗獲蓋子聞蘇文忠公之守杭州也適值艱食日役千餘夫疏西湖之水填淤爲長隄通亘南北部使者以爲問公曰此千餘人者溝中瘠也今旦旦以其力受食於官宜無不可役竟不爲止遂姓其隄曰蘇公隄焉張忠定公之再守成都也以衙樓庫陋撤而新之更置刻漏公勤於民事率夜分不寐傳漏箭擲堦上鏘然有聲因以自警民歌之曰更點分明太守心也至今以爲口實敢合是二者致美於吾馬侯俾鑱諸石傳示方將用爲軌範侯名昫字德昌觀復齋其自號云其年十一月日長至記

太中大夫湖州路總管府達魯

花赤兼管內勸農事脫帖木兒 通議大夫湖州路總管
兼管內勸農事馬昫 中順大夫同知湖州路總管府事
忽撒馬丁 忠武校尉湖州路總管府治中木八剌沙承
務郎湖州路總管府判官教化 承事郎湖州路總管府
推官范忠 承務郎湖州路總管府推官郭浩 經歷馮
懷義 知事□□ 照磨彭搏 提控魏澤

右碑在湖州府署二門側文二十六行正書徑寸無
撰書銜名題下空闕二行殆當日留以補刻而未果
者郡志載此文爲宇文公諒撰按元史本傳公諒以
至順四年登第此碑立於至大二年前二十餘年
時尙少壯安得有耄耋之稱此蓋郡志之失爾

元成宗加孔子號詔書碑

上天眷命

皇帝聖旨益聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典 號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尙資神化祐我

皇元主者施行

大德十一年七月日

至大二年十二月十九日太保三寶 丞相奏在先孔

兒帝 是封贈 不曾起立碑石 今各處行

與文字封贈了於瞻學 粒內交立碑石 後學

的人肯用心也者奏 奉

聖旨有那般 欽此

嘉議大夫紹興路總管兼管內勸農事提調學校官 臣 朶

思赤

右碑文上層十三行下層十二行俱正書在紹興府

學大成殿朶思赤見重建南鎮廟碑

元答失蠻重裝佛像記

靈隱禪寺伏承大功德主開府儀同三司上柱國江浙等處行省口口左丞相順口口答失蠻布施金子彩色重裝

佛國山諸佛菩薩聖像所集洪因端爲祝延皇帝萬歲萬
歲萬萬歲皇太后皇后齊年皇太子千秋仍祈風調雨順
國泰民安者至大三年九月日住持僧正傳謹題

右在西湖飛來峰摩崖正書十三行字徑一寸餘按
答失蠻元史無傳僅見武宗紀三年九月御史臺臣
言江浙省丞相答失蠻于天壽節日毆其平章政事
李蘭奚事屬不敬十一月江浙省左丞相答失蠻來
朝又按是年八月以江浙行尙書省左丞相忽剌出
爲御史大夫答失蠻應于此時蒞浙仁宗紀皇慶元
年十一月知樞密院事答失蠻罷是在浙不及二年
也又成化四明志載象山縣令答失蠻似非一人

元重建南鎮廟碑

皇元重建南鎮廟碑

儒林郎江浙等處儒學提舉臣鄧文原奉 敕撰并書
丹

周官職方氏辨九州之國東南曰揚州其山鎮曰會稽鎮
山各長其方貴莫與夷而會稽次居先亦若傳志所載南
海神在北東西三神河伯之上先王敘秩常祀固自有旨
哉地主靜故物生而不息鎮山因地之厚而相其成功在
人則方伯宣仁風敦政本俾民阜康而不知所利由是道
也按虞帝巡守則望祀山川乘輿所經歲周四岳雖古者
省方設教禮崇易簡然而道里遼廓涉時燠寒聖人之於

民亦已勤矣自巡守道廢而望祀僅以名存厯世隆汙益
味原本秦漢肇興五時旁禮八神諸若陳寶碧雞壽星泰
一神君武夷莫不有祠禁方祕祝異說交集祈禳雩禱降
及厲淫先王之理天下所以存誠贊化孚格神明者其道
隱而弗彰夫山林川谷丘陵能出雲爲風雨者禮皆列諸
百神而況名山具瞻奠鎮下土利澤周施其重豈直與勤
事定國禦灾捍患者侔稽古盛際四鎮咸在封域之內分
合世殊政教弗通神或匱祀

聖元啟運武戡亂略德懋好生

天人順應萬方臣服自昔車書會同之盛未有窺其際涯
者也文治修明中外禔福則又懷柔百神示民禮秩益延

景命惟東南控帶江海層岡峭嶺圭立屏峙莫可殫狀而
會稽之山秀萃無儔明靈所司由隋唐暨宋祝號祭式公
王次升大德己亥

詔尊南鎮會稽山爲昭德順應王與嶽瀆同祀使者肅將
戎具白金函香旛以綺錯牲醑芳潔邊豆靜嘉然而象飾
弗嚴梁傾棟橈庭序榛蕪陟降裸薦室不稱儀越十有一
年爲至大己酉嘉議大夫臣朶兒赤來守茲土進謁祠下
顧視興嘆曰守臣職在蕃宣事神訓民曷敢不欽厥事乃
集羣議將大撤而新之請於帥府給緡錢二萬五千四百
有奇邑里競勸傾貲相役瓌材文石桴輪輦致礱斲既備
版幹具興殿宇周阿前輦後棘表以重門翼以長廡齋廡

觀深瞻烹有所邦人士女禱祠會止閒亭飛閣可觀可憇
環山繚溪若有風馬雲車盼蠻來假先是於越大饑道殣
相望薄征振廩荒政薦敷惠及埋瘞明年夏復旱臣朶兒
赤禱于神得雨人謂神亦矜民易以誠感後復有事于廟
經度故址爲畝二十五有半因發地得石具識深廣北東
西臨溪南直玉笥峰紀以宋大中祥符之二年視舊加斤
克弘厥規豈神之宿留告曉于人固如此哉考諸在昔常
以立夏氣至揭虔蕝事導迎發育天道無垠因時布令仁
行於春禮繼炳文歲功序成物廼蕃息維茲越土肇歸版
圖于今幾四十載乃者歲比遣使皆爲民祝釐
聖上續承基緒申飭有司益嚴祀仁昭禮洽上以法

天之運而元臣碩輔同德協心汔底康乂東南旌倪陶咏
皇風浸漑膏澤生聚教訓期於億萬世江湖行中書省平
章政事臣張圓等奏曰南鎮廟成維麗牲有碑乞命儒臣
文原爲文以詔來者

制曰可臣謹再拜稽首願頌

帝德且宣神功爰勒銘詩與茲山無極其詩曰

邈哉東南萬山之藪孰殿茲土相其溫厚先民有言山岳
配天體坤之載道合靜專崕茲會稽列嶽環向鬱蔥禹穴
蔽虧秦望譬彼江海百谷是王禮隆昭祀嘉薦必芳奕奕
新廟塗墍丹雘盪昏卽明闢隘從廓物旣和止神亦宴娛
靈旂肸飾賁然來思擁其休嘉錫此南土豈惟南土九有

伊祐維

皇縱聖惟臣弼諧神道泰寧兆民允懷詩詠岡陵式揚壽祉儒臣作銘贊於

天子

皇慶元年六月三日建 四明臣茅紹之鐫字

重建南鎮廟碑陰

大中夫夫紹興路總管府達魯花赤兼管內勸農事馬合馬沙 嘉議大夫紹興路總管兼管內勸農事朶兒赤

中順大夫同知紹興路總管府事王八都兒 承直郎紹

興路總管府治中馬合謀 奉訓大夫紹興路總管府判

官蕭獻 承德郎紹興路總管府推官李震 承德郎紹

興路總管府推官王得觀 承務郎紹興路總管府經歷
任揆 將仕郎紹興路總管府知事孔廉 將仕佐郎紹
興路總管府提控案牘兼照磨承發架閣仝天祥 修武
校尉紹興路會稽縣達魯花赤兼勸農事月魯 承務郎
紹興路會稽縣尹兼勸農事趙天祥監督 進義校尉紹
興路會稽縣主簿趙哈八都兒計科 進義副尉紹興路
錄事判官李忠應辦 府吏童瑞劉榮祖縣典吏李居仁
司吏王茂榮董役 將仕佐郎南恩州儒學教授褚子杰
邑士許鈞許琇喻吉甫傅士珪丁舉 邑人陳宗孟純孟
能之陸森陸晟王德丁觀孫求誠之尉德興金榮何茂陳
昌孫銘王元陸友王榮李景諸聰胡榮胡思助建

右碑在會稽縣南鎮廟文二十八行行六十七字鄧文原正書文原字善之綿州人至元二十七年辟爲杭州路儒學提舉元史有傳書史會要謂文原書早學二王後學李北海與趙文敏齊名此碑又以茅紹之所鐫故絕似松雪書也碑陰載達魯花赤馬合馬沙及總管朵兒赤等十四人官爵姓名又府吏縣典吏司吏南恩州儒學教授并邑人士三十人名朵兒赤寧州人舊志云天歷二年任此書至太已酉來守茲土爲先二十一年可徵志誤

元李侗等石屋洞題名

皇慶壬子九月八日員嶠真逸河東李侗士宏偕淨慈晦

機中竺元叟明慶市巖演福湛堂會稽千巖同游男思德
侍行是日風高氣清乘興就高峰

右在石屋洞摩崖行書七行字徑一寸員嶠真逸李
側字士宏河東太原人官至集賢侍讀學士見載表
元剡源集

元長興州修建東嶽行宮碑

長興州修建東嶽行宮記

資善大夫徽州路總管孟淳撰 集賢侍講學士中奉

大夫趙孟頫書并篆額

東嶽行宮者泰山神之別祠也自唐封禪始郡縣咸有之
其在長興五峰之麓者創建於宋之紹興戊午迄今幾二

百載矣圯壞不治神弗顧歆欽惟

皇上嗣服徧禮百神知州呂公澍同知州事馬公鎔稟
令從事顧瞻祠庭庫陋頽靡大懼缺民望貽神羞無以稱
塞

明詔謀更新之而土木之費無從所出乃捐祿廩以爲衆
倡於是前白雲宗僧正明奉前釋教提控僧亭會稽諸山
尊宿綱紀舊事而邦人謹趨祠下莫不稱力而受任分曹
而責成輸材赴功百堵俱作正奠廟堂曰嘉寧之殿殿前
翼爲兩樓東擬燕寢西擬后閣又東建太室以奉聖母中
殿爲獻祭之所兩廡列佐神之祠又南爲正門外爲櫺星
門藻檻繪栱煥焉一新晁旒黼黻共嚴像設山川改觀神

人交謹旣又築菴廟左以居奉祠者屋以間計凡七十因而葺治者二十有一撤而改建者四十有九經始於皇慶元年十二月落成於今年四月二公屬余以記余謂岱宗曾望也何四方之人奔走薦虔罔敢或後公羊氏稱泰山之雲不崇朝而雨天下其威神德惠之所加被古記曰山有金篋玉策定人壽修短又唐張說著封禪讚云天孫總人靈之府則人之生死禍福貴賤貧富帝實司之故世之所敬畏而尊事也厥今遐陬裔壤孰非神游之所而長興之賢守貳獨能興壞起廢仰副

上旨答神休爲民福信可嘉也用述其事刻于麗牲之石併諭方來相繼必葺俾勿壞若夫任事施財者之氏名具

于碑陰茲不復云延祐改元歲在甲寅四月十一日記隴
西李祐刻字

碑陰

重修建東岳行宮施主題名

正殿并香花亭白雲宗清福院寂照院積善院忠正院下
妙德院 中殿白雲宗萬壽寺東陽寺報德院碧雲院
崇寧真君殿本州捕盜司 吳客三真君殿橋西界張賢
華光樓平遼鄉十都潘海 監生司收生陳阿范等

子孫司五熟行因元貴徐富周敬 都城隍司香燭行宋
文政錢思誠鄒文貴姚源姚福徐全祖朱榮祖 龍王司
銀行吳永祥楊新 速報司玉塵行陳榮周二秀倪成因

通王德姚勝倪子龍許明 瘟疫司鑒戶沈竹孫宋仲仁
姚元善 李王祠度生行陳安錢通周元俞厚卞良 劉
堯帥司福田社邢福邵福 土地司澆燭打帑印馬行陳
聰沈應雷章輝 水府司篙師行俞慶沈林周慶毛富
善部司冲真觀長生庫 爵祿司木匠孫旺鋸匠錢達等
冤枉司本州書狀承發司 長壽司橋東界周元善
照證司淨髮行姚珍桑琇費榮錢大亨俞慶 積財司裁
縫行陳元金贊管琳莫繼祖 打胎司橋西界吳榮 放
生司錦鱗行楊富包源費政 輪廻司碧緣行陳富沈進
齊僧司糖餅行陸進陳良朱文彬鄒宗榮潘宜朱擇善
惡死司本州禁子 曹職司曹行錢旺唐桂徐勝談成

等 田公蠶母司幹緣 張太尉司五色行馮晟沈琳高
元王榮 貴賤司幹緣 廨亭一所嘉瑞鄉六郡李德安
已上並重修

櫺星門章文因日秀日益 三門白雲宗宗正院妙清院
報恩院通濟院成積院 甬道本州知州呂奉政澍 獻
臺本州同知馬奉訓鎔 龍樓鳳閣二所釋教諸山寺院
菴會 聖母殿白雲宗壽聖寺慶遠院化城院上妙德院
永明院慈光院永寧院致慶院上餘慶院 西齊王殿本
州茶園所 清源真君殿羅漢會張君屋等 忠靖王殿
本州司吏貼書 昭烈王殿本州祇候 昭應侯殿白鳥
鄉三都姚裕榮許德安徐文富 皮場王司正冠行姚松

因屋姚奉真沈德榮王椿盛茂陸程 執政司雙線行吳
嚴馬元費椿陳成黃成姚楠張旺 功德司果行張宣因
貴王應森施元亨 注福司絲帛行金潤張君屋王涇錢
文彪錢德秀 孝順司州西界周曰強 掌命司厨行趙
興祖湯勝蔡燁蔡榮 掠刺司飯食行俞厚卞良沈敬
千聖小王樓酒行高天瑞金林徐榮祖姚榮朱墊徐政尹
李先師司福田社沈福莫文志鍾德亮 惡部司幹緣
朝拜祠堂 祖社孫提督因壽三秀
倪千十二秀因百六秀等 聖母殿前月臺
碑亭幡竿一座同知馬奉訓叛建 口口菴住持焚修管
廟道民張師淨 已上並重建 幹緣沈榮施元亨孫紹
榮陳震姚元吳壽 監修造州吏趙衮 貼書張澤 勸

綠監修官奉訓大夫湖州路同知長興州事馬銘 勸綠
監修官奉政大夫湖州路長興州知州兼勸農事呂澍
東岳行宮常住田土

一田貳畝坐落尙吳鄉六都下蔣村租米壹碩捌斗本廟
自運係程二秀捨 一田陸畝坐落白鳥鄉四都草埧村
租米壹碩捌斗租戶丁萬三係蔣百一公捨 一田玖畝
坐落吉祥鄉一二都瀆東村租米肆碩叁斗租戶徐正一
係智和尙捨 一田肆畝坐落白鳥鄉一都史家村租米
貳碩租戶欽八一係祖和尙捨 一田叁畝坐落尙吳鄉
六都山北村租米壹碩捌斗租戶朱六四係祖和尙捨
一田叁畝坐落尙吳鄉六都江蔣埧租米壹碩捌斗本廟

自運係因千十二秀捨 一田口畝柴分伍厘坐落尙吳鄉六都華家橋租米壹碩柴畝租戶錢大五係因百九公捨 一田叁畝坐落尙吳鄉六都徐和嶺下租米壹碩叁斗伍升係楊萬四郎捨本戶就佃 一田叁畝伍分里落尙吳鄉新埭口訓埭租米貳碩陸斗租戶張阿五係張千十一秀回施 一田壹畝肆分坐落尙吳鄉一都東湖埭租米玖畝租戶孫千一係張千十一秀回施 一田二段陸畝坐落白鳥鄉一都北堰埭租米叁碩陸畝本廟自運係皓大師捨 一田二段伍畝坐落白鳥鄉一都後堰埭租米叁碩陸畝租戶周十二係本廟常產 一田壹畝伍厘坐落白鳥鄉四都楊家埭租米壹碩本廟自運係周季

一秀捨 一田貳畝伍分坐落荆溪鄉十都後沙埧租米
貳碩租戶嚴十四係慶山主捨 □□□□畝坐落尙
吳鄉六都 一山壹拾貳畝坐落吉祥鄉四都方石頂租
茶捌斤租戶張阿七 一蕩玖畝壹分陸厘坐落本廟前
一山肆拾畝坐落吉祥鄉叁都看山人□十七道係程
二秀捨 一田地竹園計玖畝坐落至德鄉四都都茅村
租戶潘千五係趙□二秀捨

書東嶽行祠碑陰

東嶽行祠雖非近正而建在五峰之麓則勝據也總管之
文固當稱雄而託諸集賢之書又絕筆也舊有亭久圯獨
穹碑露立於煙莽中予懼霜雪之摧剝苔蘚之侵蝕將益

重後人弔古之悲乃爲亭十二楹以覆之旣成與客攜壺
來遊咸喜曰集賢墨妙于茲重有託矣皇明嘉靖癸未仲
春旣望知長興縣事前兵科左給事中翰林院庶吉士桐
城□□□志

右碑額題篆書重建東岳行宮之記八字文十八行
行四十字正書徑一寸碑陰上層額云重建東嶽行
宮施主題名下層額云東嶽行宮常住田土皆篆書
橫列題名二列字徑七分田土一列字徑五分皆正
書下一列刻明人建立碑亭題記向來拓碑者多遺
陰面特表出之碑爲孟淳撰文淳字能靜漢東人以
蔭入官元詩儔里稱其皇慶中厯處州路總管有題

高尙書夜山圖詩二首載鐵網珊瑚宋詩紀事以爲
趙孟淳作誤矣松雪此書清勁秀拔骨肉兼到可以
雁行北海篆額亦遒勁當時求公書者非茅紹之鐫
刻皆不應此碑爲隴西李祐所刻摹勒之妙不亞於
茅碑陰正篆二體又出一手以出爲上則謬甚錢辛
楣少詹云向讀南村輟耕錄載連枝秀珠簾秀順時
秀天生秀等疑爲妓女之稱今讀此刻施捨戶有程
二秀因千十二秀張千十一秀周季一秀趙口二秀
始知元時女子皆以秀爲稱若宋人稱第幾娘也因
氏見于左氏傳自後此姓絕少此刻因姓凡數人
元重修普照寺大殿碑

普照寺重建大殿記

皇元混一區宇

列聖相承式崇佛教所在名山金碧絢麗盛矣哉皇慶二年春三月三日 郡耆 鄉之官民僧道詣福田山普照寺祝

聖主萬壽禮畢徐行廊廡摩挲舊刻時 僧曰崇顯者

寺之顛末揖余請曰 唐會昌六年後 額 甲

乙 爲十方歲廩薄僧本源復席捲 官賦匱乏徒黨解

散宋咸淳間寺僧白郡得 仍 舊旣而善櫟建庫院有

規塑三真君韋馱天而翼之以樓 建法堂僧堂刻觀

音像 至園口皆 迄至元至大間守正法規德恩崇

則建僧祠山門兩廡崇珍則建鍾臺今崇顯復銖積寸累
期明新大殿莊嚴像塑以竟其事願求一言以垂不
朽余謝不敢當至延祐改元夏六月 成 請

乃爲之言曰天下事所以盛衰不常者豈有它哉由此心
一不一耳心苟一何事不得而 寺之所以成始成終

者豈一手足之爲烈然莫爲於前雖美弗彰莫繼於後雖
盛弗傳 如顯者踵其後安得黃面老子玉毫金色聳
動人觀瞻亦卒於行百里者半九十豈不甚可 嘗

憑高遠覽岡巒四合形勢如翔鸞西南諸峰上矗霄漢其
下大溪橫陳蛟龍之所窟宅而 則葉真人劍履之所
從瘞也往者風塵湏洞環數十里間獨 然安者非佛地

耶因念會昌以前空山閒寂樵牧躑躅以至於斬刈翦茸
其所以創始者亦勞矣又豈若今日朝魚暮鍾梵唄相屬
領袖諸峰其輕重攸繫爲何如也顯雖生於會昌六百餘
年之後而於茲寺實有光前之功昔 謂梁武造寺以
爲人天小果顯更能堅立微妙法幢以心印心燈燈相續
俾祝

聖招提實與

皇圖相爲永久豈特人天小果而已哉是爲記

將仕佐郎處州路儒學教授致仕潘萊撰 資善大夫
前徽州路總管兼管内勸農事孟淳書丹 中奉大夫
延平路總管兼管内勸農事韓國寶篆蓋 延祐二年

歲次乙卯住山傳教沙門崇顯立石 柯山徐

右碑篆額八字文正書二十二行在宣平縣普照寺
縣西北一里寺肇始唐會昌繼修于咸淳元至大間
僧守正等復建延祐元年崇顯告藏事焉縣合潘萊
記之萊名舊志不載韓國寶至元中曾爲麗水達魯
花赤百廢具舉大德三年以武略將軍知台州事在
職七年修學宮平冤獄興水利多所庇于民見黃巖
縣志

元宗陽宮銅鐘銘

維大元延祐

乙卯五月戊

申朔十九日

丙寅隆道冲

真崇正真人

杭州路宗陽

宮佳持官事

臣杜道堅範

銅千二百斤

作商子癸鼎

乙壺二永鎮

昊天寶殿爲

國家祈天永

命徵福生民

右在杭州宗陽宮篆書十四行行五字按宮爲宋德壽宮後圃淳熙中更名重華咸淳四年以其半改築道宮奉先朝神像賜今額萬厯杭州府志云元初燬于兵延祐間杜南谷真人重建南谷卽隆道冲真崇正真人杜道堅也宗陽宮志古蹟有通明殿卽昊天寶殿也又有宋賜青銅古鐘亦不存此道堅重建觀時所鑄不藉檀施用銅千餘斤可徵其道力矣

元長生講院碑

振太師 顧萬二郎幹 莫千一省元 施千三提幹
照山主 沈千一省元 莫九三將仕 陸百一監局

任千三太君 任八一供檢 蔣百五省元 錢百二宣
義 華百十五宣義 許千十制幹

果山主 吳氏三娘 屠千四居士 文師幹 陸百二

府幹 顧万一節幹 施七三將仕 施千二提轄 李

三承事 顧九將仕 姚百三將仕 姚四十將仕 張

十三承事 錢百三將仕 沈百千將仕 馮宣二道

沈氏一娘 周千二道 方二承事 徐百七將仕 陸

四六將仕 張廿八將仕 杭百一節幹 万山一將仕

張千五判司 許百十一將仕 許六將仕 董千一省

元 費八二承事 茅八七省元 沈百二將仕 費百

二省元 錢五省元 方百七將仕 錢百一節幹 華

十九承事

顧百十三將

顧百七節幹

陳四朝奉

錢十二承事

吳四一將仕

錢百二承事

錢十三將

仕

沈十八居仕

朱三承事

延祐二年八月吉日立石

碑陰

長生講院肇於勝國建炎間殿宇宏敞金碧熒煌鼓鐘振
揚爲一方之勝尋值兵燹靡有孑遺住持靜覺禪師戒律
專確有聞於時嘗悼象教之陵遲懼緇流之失所爰募善
緣丕復舊觀用將名勒石道側噫見干羽者想舜德觀河
洛者思禹功微師之精勤不足以動人之樂施微人之樂
施又奚足以成師之巨費者哉斯亦可尙也已師歿後數

稔其徒普仁謂余與師有支許之好因乞一言以傳永久
余故爲識其后使後之嗣師者慎無替師之志云 郡人
宇文公諒題跋

右碑在烏程縣南潯鎮長生院額橫題建置櫓越名
銜六字正書徑二寸餘碑凡三列後題年月陰刻宇
文公諒跋十五行正書徑寸題名有提幹制幹郎幹
師幹府幹節幹供檢判司監局提轄宣義將仕承事
朝奉皆有職或幕掾之屬居士山主當爲邑子太君
之稱始見此惟馮宣二道周千二道爲不可解

元慶元路鄞縣學廟碑

慶元路鄞縣廟學記

翰林待制文林郎兼 國史院編修官袁桷撰

慶元路儒學教授薛基書

忠顯校尉慶元路總管府判官札刺兒台篆額

粵昔空虛固陋之學淪於人心言理者人人殊師記問者
質而不化辭章篆刻決裂六藝糜爛而不可救師儒有憂
之據道德性命之要毫分縷析鑿鑿乎其不可相紊也繇
是士得以一其視聽皇王之道復興於千數百年之後可
謂盛矣

世祖皇帝混同區夏崇學校定國子學成憲皆東南儒先
而朱文公所說咸取以爲經史模楷於是窮微絕域中州
萬里之內外悉家有其書然而急近功者勦取其近似以

爲口耳之實天人禮樂損益消長切於施爲所宜精思而
熟攷者一以爲凡近迂緩而不講至於修身養心或相背
戾而不相似則緣飾儼默望之莫有以窺其浹際夫明絕
學以承先聖之統可謂難矣弊生於簡易守其說而湮其
本將不勝其弊載籍極博莫嚴於五經教人之法莫詳於
三物楊子雲云丘陵學山而不至於山惡夫盡也今州郡
悉置廟學奠謁講說循襲條制而職教之道似若有未備
焉者鄧舊有學王公安石爲宰時延會稽杜先生醇教
之學者輩出至大二年郡大火學燬主之者孔文僑董儒
金始建講堂殿未完而去皇慶二年三衢姚熙載實來是
歲

天子下科舉詔同知郡事吳郡張侯伯延顧瞻陋蕪首曰
其何以稱

上意乃率郡官而助之邑令梅君遇春丞簿龐滋范佑咸
曰吾長于是茲役曷可追嚴工庀役戎業者咸輸以佐
閱二年夫子像成侑從有敘門廡庖庾塗糝繚繞之屬
堅密精粲學宮之制完且具矣姚君乃曰鄞號多士昉杜
先生宜作先賢祠以祀鄞士之興其自今始乎嘗謂學校
宮室循行風俗之使者未嘗不督厲修繕獨教法未定雖
聰明自任猶不敢高下以議今

明詔四出郡侯首創其原姚君又能推本前人尊師之旨
深有所寓梅雖官

朝廷因姚君之請知張侯之美遂以學校之弊首敘其說
庶幾吾里之秀士其強敏自修者詢考者哲篤行於顯微
內外之實文質交資上承口口將以復乎昔時衣冠之盛
則姚君之微旨猶昔賢勸道之意也庸刻于石願有以俟
焉延祐三年四月十六日記承務郎達魯花赤乞思監進
義校尉主簿伯顏帖木兒典史王溢陳敬縣吏張敬周澄
直學朱賀錢公燮學吏姜昌僧立石 茅茂祖刻字

右碑篆額十字文正書二十行在鄞縣學此述同知
郡事張伯延率邑令梅遇春等緝廟三衢姚熙載并
作祠以祀杜醇而清容書之也清容名桷字伯長鄞
人樞密部之曾孫大德間翰林承旨程鉅夫薦爲檢

閔權應奉尋除待制累遷至侍講學士卒贈江浙行
中書叅知政事護軍陳郡公謚文清有清容居士集
居常謂宋末文章縟濫益自奮厲希古作者故此文
歷陳時學之弊而以朱子爲指歸以五經三物爲圭
臬立言之有本者也薛基字德載河東人德性淵宏
問學該博爲文章體格高古梅遇春大德時任餘俱
不見於錄杜醇慈谿人學以爲己不求人知王安石
令縣時請爲學者師不赴再書強起之慈谿令林肇
立學亦起醇爲師亦固辭安石作師說以勉之二邑
文學之盛自醇始

元刻趙松雪七觀帖

七觀

翰林先生納榮息機謝白玉之堂將歸乎麻源之山房越
公孫懷脂濡頰託物喻志考圖審曲若鑑之納視言忘而
意消類別而理脩有郢大夫癯然褐衣目不接乎黼黻耳
無聞於律呂鞀而言曰登高能賦淫曼荒忽智專者魂彊
形滯者物逐昔吳州來觀詩東魯言有度微有據厲階於
枚生濫觴於曹王先生楚產也雲夢汗湯巫峽巘岼曾葭
腹蟠公孫不足以教我先生殺青南山積簡羽陵若網有
網若墨有繩舉凡暢微我其聆諸

越公孫曰太素烟燭清濁奠儀雨風露雷動植攸萃辨方
審良民用不疵六氣以沴日天其世彼諄諄者皇曰汝命

質長厥土燦剛相其溫涼我生命在天順以受年嚴居谷
飲中道以隕執書以觀有涕洟瀾陋彭鏗之逆理兮何縱
恣而益顏言技可以進道兮吾當繇是以返觀納腸補藏
惜忍莫竟石立土踊寧非逆吾猶以爲天地之病修身
俟命道之大經先生之正也大夫曰神之所行何體何方
拘者爲傳請更端以告僕夫

越公孫曰靈曜宣精五紀順明察幽考微法天以行形氣
芸芸吉凶卑高觀象以分韜兮靈根感不以言繇動彰靜
百神受祐虛者爲音質者爲數昔后稷民之職黍稷蕤蕤
智者過謀胡盡其地力民曰作慙相攸食墨風雨斯蔽連
雲及業飛不得垂喙履不得仰視旁營萬家地記萌芽赭

衣債厥而淮水復絕鑄鼎伏姦能沉于淵吁嗟而求桑林
之羞要荒擾馴王會盈庭獻琛效珍物不可枚陳雞豚以
時父恬孫嬉何助邊茂思屈曲洲島家累千金資先生昔
居列仙之館據要集思謂象以理明妖由人興守諄芒法
清寧却走馬于郊謝重譯之雉陋三脊之茅熙熙陶陶舒
舒天天不言而歲成無營而事貞夫子不云乎一致而百
慮其是之謂乎郢大夫曰汎觀博聞於道彌損願滌耳以
挾其蘊

越公孫曰粵昔尼父唯俎豆是數擊刺坐作因民以教蒐
苗獮狩車徒卒究厥今輿圖八表同厯四貉交軌月竈風
正冰天桂海馳心望雲請命歎塞千瘡星環八屯山列羽

林繡經飛騎鼓笈然而樂成者難與圖事守文者不足語
智嘗聞之兵農同封耕戰同功魚鱗鴈行敵莫我敢當府
散籍移萬姓流離強帥拉脅外復憊肌卒不可拄支後王
鑒觀法日以繁龐者罷者恆者羸者駢頭引吭食粟而嘻
開門納兵百郡是師何草廬高吟崎嶇雜耕何杜氏之子
傳癖孔深而緩帶以征射以容觀劬以氣言批亢擣虛孰
知其隅折衝厭難莫窮其畔至若握元圖視龜文縱橫起
止與易象相表裏者驟語之吾思大夫之竦眙也大夫曰
兵者不祥之器未效此知也

越公孫曰炳靈心君闢乾闥坤情聲相宣立度出均昭昭
鴻藻緇縹是存敢先論楚材而言之淒淒乎形畏垢而將

翫也霏霏乎隄承露而欲訴也荒蹊斷葦燐燐滅沒而疑
聚也織女揚徽攬芳菲而雜組也少焉商飈號鳴金石琮
琤逐虎搏兕講雕鏐鷹寄莽蒼於一瞬乘扶搖以孤征終
緩轡以就日槍倏淪乎西傾噫悲何爲哉古有巖居之士
抱奇挾幽漱芳深林憩寂凍流澹乎其若遺窮兮其若留
鉤盤助之爲回旋虛北答之爲獻酬猿三疊而墮泪鶴九
轉而凝愁鉤元採微迄無終窮瑤席敷張高歌慨慷語初
麗而終放託餘韻于宮商然此其芟芟者耳櫛拾蒼雅刮
磨詰盤微粲貝編飛英露溥何譏乎肉食之鄙猶鄭穆而
魯桓也大夫不聞之乎鍾石絲竹各隨其聽隆汙有時其
所遭者命摩盪堪輿吸呼羲娥矢爲帝詞叶爲賡歌五嶽

贊襄百靈護呵不棘不茨如砥如磨發潛漏泉掖民陽春
瑰逸爲新簡絜爲真列若戶居別若渭分雍容者珩璜冲
遠者英莖縷絕而緒續醴甘而齊清昔之檀名偉著耿今
其不能以十百程也浮聲切響直意肆志澎湃訇磕滔滔
莫止据理者夸飾言者哇嫫母兮姑射鉛刀兮莫耶簪莫
仕兮奈何大夫曰文章與政通玉署之職也文勝質則史
更言其大者

越公孫曰屹屹中壘校讐靡寧世本年紀繫于麟經捨相
府圖書泯其緯經炳麟金匱汜罔敢配迺司馬氏決榛鋤
翳麗者爲譏激者爲刺升涉世家表籍作紀言諸侯無史
史立周圯鄙儒畫屢削章刪凡燭火並日卒漸盡莫傳昂

昂苟袁辭約義完何班范家至耿光縣縣相繼擬述百世
一律素主簡編如日在天熒煌高張孰敢附肩鴻化以濟
研探益疲穢者闕者襲者濫者渙恣畏禍希企市價詔不
表直俚不師雅若聾鼓鐘若盲策馬元經附譌唐厯受呵
後有紀略迄莫同科尹石猛志證古比事百不一試歐陽
氏出方名山所藏復大同而小異勢不兩立其胥史之謂
厥今繫謀川盈記注櫛比故志存廢興之源典章酌損益
之致登瑤山而神駭遊鄧林而目昧般倖効吁隨和發涕
撫觚之士吾將見其心報而神悸也先生登秘丘覽羣玉
積石倉標朱目墨兵筆削融液乎粹精囿燕胥鄰大庭大
夫宜從下風而乞靈也大夫曰皇王惟熙帝霸孔巖我心

增悲韓愈不爲史名以四馳何庸知焉

越公孫曰煌煌古帝別生聚方煥乎陶唐五服正邦五典
率常導之無違民用熙熙授之以時聿來孜孜降于三王
厥緒日孳集成于蒼姬黼黻憲章金石命令緝熙太和宣
昭羣姓織鉅之備粲乎其有秩也豐殺之制屹乎其有截
也三光重輝百辟拱列歲時易象而浸淫蘖芽弱者綴旒
強者鋌戈智者探囊勇者拔河搏犀象屠蛟鼉飛矢請命
旁午係車焱乎浮雲迅乎奔塵矢藪滑稽之士紛然而並
陳棄仁恩假鬼神混君臣各馳騁而懷新數千百年人亡
而說具勞乎離婁不足以一視也藹乎王良不足以一御
也其最大可病者恬泊守真可以養身不可以治民絕性

棄命黔首蝨病孟軻氏有作吾見其髡鉗而舌咋也言未
既大夫曰天藏山中瑾瑜匿瑕問以辨之厥德日華儒者
詬病卒不能以勝何道最高子盍陳之母激母勦

越公孫曰古昔顓童受業間塾書數首通訓故是屬聲歌
象舞目接身服相親有恒日用不瀆後帝不相襲緣祀興
文八音寥寥五禮紘紘鏗鏘莫明而聚訟若焚鄭說乖悞
後圖踵循象制益湮周官別出議者欲一繁紊繆錯摻綱
而入林適越而轅北也類禮孔勤五厄莫存後有倣補去
取未就卒乘虬駢雲字以文合聲以音比旁行敷落侏離
狄鞮文軌同風不能以一致孔壁莫推二經蕃廡聳牙爲
今簡儷爲古謂道統是傳曷敢有語詩基文王而周召先

興首章異同衆說沸騰風雅變言美者爲訾直者爲詆魯
頌紀異秦誓告終何後學膏膏迄莫之通麟麟魯經議口
法吏謂齊晉無褒而日月具刺紛若蠶蝟眇若糠粃不虛
其心不明厥視遺珠抱疑探篋積毀然此特人文之經緯
政治之用體也三聖述作包河總洛二儀生於心萬化制
乎神迎之而莫親拒之而彌存疑者遜者愕者困者湛兮
消兮委兮昭兮沉思遺物形離超兮激迴麗兮闕而寡兮
縱雲緲兮愴兮儒先從我招兮郢大夫曰始吾見公孫疲
孰若不足突梯若避屣靡精槁神何斷斷然也今知子矣
永譽處矣吾與翰林先生徜徉此土小年大年猶以爲朝
暮也

七觀者翰林待制袁公桷之所作也何爲而作也翰林承旨程公請老而歸袁公作此以送之也送程公之歸而不及手執手傷離之情願乃鋪張組繡細大靡遺何其勤且博也蓋自枚生始作七發魏晉而下往往追蹤躡影誇奇闕麗才高者干雲霄學博者漲溟渤後之學者絕響久矣公之此作因事以發其辭引類而極其理將馳騁乎漢魏超軼乎班楊非夫貫通三才博綜百家疇能縝密宏辯若斯其美也僕雖衰老目昏不覺援筆爲書一通若袁公不以筆札之陋刻諸堅石庶幾詞翰相須之義傳之天下後世以爲美談云爾延祐四年歲在丁巳三月十日翰林學士承旨榮祿大夫知制誥兼修國史吳興趙孟頫書

翰林承旨程公建藏書山房於麻源令桷賦其事遂倣劉氏七略作七觀家世書樓以先越公所藏嘉定舊賜奇觀二字扁于其上遂刻七觀于其下泰定二年秋九月戊申桷記

右刻在杭城項氏係明四明豐氏重刊本趙文敏楷書或云卽豐氏書聞舊刻係木本行格較今石高數寸傳本絕少未能詳也是刻源流已見松雪清客二跋中按東里續集云程文憲之歸袁文清之文趙文敏之書皆所謂得意者也所惜當時刻手不及耳又曰此帖出公自然之趣則原刻規模大概可見矣文敏生于宋寶祐二年至延祐四年正六十四歲故跋

云衰老目昏也

元重修飛英舍利塔碑

重修飛英舍利塔記

資善大夫常州路總管兼管內勸農事孟淳撰 文林
郎江浙等處儒學提舉趙孟籲書并篆額

飛英舍利塔者吳興志云凡三十七層高六十五丈神光
現於絕頂院周于塔肇自唐中和年勣名上乘石塔舍利
院至宋紹興庚午燬焉歲久未復端平初沂王夫人俞氏
施貲命錢唐妙淨禪寺比丘尼密印董其事卒成之減三
十層高半之其後海菴重修遂屬妙淨爲子院以無常產
主僧弗留頽圯荒落不能自振乃請毗山普光蘭若僧惠

日住持以圖起廢未遂茲願復還普光其徒妙演繼主斯席立志興修然赤手視之歷十數年一木一甕未加也迺悉捐衣鉢倡其役盡瘁營度不爲私計爾時施者益衆佛事大集然後木塔之闕者復完山門法堂之仆者復起像設莊嚴塲堊明麗寮居靚深鈴語清越自延祐甲寅迄于戊午五年而成噫勤矣哉於是演來求記予辭之而請益力因謂演塔何所託始曰以舍利爲言舍利所從來甚悉當其靈異奇秘固不得而控詰而燬劫之餘變化莫測邦之人猶奔走販募信施之不倦至再廢而再興之亦可以知人心之樂善矣故嘗異夫浮屠氏往往持空言集大緣事莫不如志亦其所以能然者雖其願力而亦有道矣夫

捐已有以示無我所用必讐所得以示信至其勇猛精進
勤懇專一則又若果於爲義者是皆有以觸人心之所同
既又休之以因果以來其好善惡惡之至情故坐以來天
下之施無難也是其道也然則校其行與名有不同者矣
嗟夫生人以來所賴以存而不可離者吾觀浮屠氏益信
矣妙演勤矣所就亦盛矣故爲之記使其徒知所以樹立
者有道焉耳矣延祐六年十又一月旦日記

本院徒弟嗣謙嗣敬嗣恭 住山釋妙演立石

右碑文正書二十行行三十五字在歸安縣飛英寺
居府治之東北隅唐咸通五年忠顓禪師建刺史高
湜表爲資聖寺中和二年改爲上乘寺宋景祐三年

改今額塔肇始咸通僧云皎自長安來得舍利遂建
于此凡三十七層高六十五丈紹興雷震端平初沂
王夫人俞氏率錢唐密印董成之減去三十層塔中
空復有小塔制極奇巧松雪詩云梯颺直上數百尺
俯視層空鳥背過道其實也此刻妙演繕塔而孟淳
記之觀夫空言集事數語浮圖之錮人也亦必有道
矣孟籲松雪弟也

元崇福寺碑

處州萬象山崇福寺記

古教有森羅及萬象一法之所印之說謂一法者指吾靈
知不昧之心府也心與萬象虛而通寂而會混之不雜類

之不齊卽一而萬如空合空卽萬而一如水投水非智眼
洞明其孰能喻之處城有山屹立閶闔中名萬象形如蓮
華下瞰城闔溪流環繞南明蔚其前北原麗其後少微括
蒼梵林仙洞叅錯掩映一郡之偉觀也崇福寺者建于元
貞乙未開山沙門行英號白雲族周氏故蘭溪丞之孫也
生有夙質長慕空宗郡之文殊尊教院乃其肄業之所已
而挾策游方徧扣名宿於佛祖不傳之旨高詣遠到衆請
出世住白雲法會禪刹緇白嚮教每慨郡之禪叢不振方
來衲子無食息之所刻苦勵志乃剏始焉尋而檀戶輸金
郢人獻巧輦雄材鞭巨石羣夫執役惟恐不先上棟下宇
指顧如願奉佛有殿闔法有堂禪宴有榻出內有庫崇門

丈室庖園廩庾悉具體焉方將塑像俄有僧自西域至者
妙出天巧凡釋迦圓通應真及諸像設迴異常倫敬奉
大元帝師遂降慈音乃賜茲額寺以甲乙相承貿腴田二
百畝以充食觀能事甫畢復然指節依楞嚴諸了義期與
羣靈同成正覺延祐乙卯示疾是年八月十五日泊然而
化閭維齒根不壞度弟子二十餘人凡寺之伏臘有所不
逮持鉢分衛以繼之遵遺命也囑其律已奉衆之法宜依
佛制凡禪坐經行毗尼清禁少怠則非所以繼承也一日
郡侯太中普化慕師遺業慮後之來者不能遠繼將立石
紀其顛末率其徒可永等持事快請爲文以記之余聞佛
道長遠久受勤苦乃可得成然則香嚴擊竹太原聞角一

慙耳根廓爾禪悟用勤苦奚爲哉無乃自取法縛于修證之途對曰子徒見其悟之易而不知其未悟之難其忘形骸廢寢食尤甚于沐忝而求解者苟知其難則行可立道可口德可修福可崇矣余復何言時延祐五年歲戊午西天目山幻住沙門明本記後二年正月翰林學士承旨榮祿大夫知制誥兼修國史吳興趙孟頫書并篆額是歲三月望日住山沙門可口立石

右碑篆額九字文行書十九行行三十八字在麗水縣萬象山一覽亭內按府志宋何叅政初建萬象樓元元貞元年僧行美改爲萬象菴大德十年改今名此郡侯慕師行而乞明本書之也明本號中峰錢唐

孫氏子所居號幻住菴仁宗時賜號廣慧禪師錢宮
詹云松雪翁以延祐六年夏謁告歸吳興遂不復出
據此碑所題歲月則南歸之後一年也

元嘉興路重修廟學碑

重修廟學記

嘉興路儒學教授陳良弼撰 集賢大學士榮祿大夫
廉希貢書 榮祿大夫齊國公劉珪篆額

天職覆地職載聖人職教故帝興王起建學立師天子曰
辟雍諸侯曰泮宮雖制度有差其爲教道則一也欽惟
世祖皇帝平定江南諸色財賦皆歸有司惟養士田糧仍
賜于學命憲司則曰宣明教化勉勵學校命學官則曰作

養後進以備選用其口意於學校人材如此

列聖緝熙以益敦教道

今上皇帝龍飛一詔切責學宮聞者冰兢豈承流宣化者
未知右文之意乎僕嘗以刀筆從事臺憲侍輅車巡行
縣目擊所在學舍口臆雖以名士爲之潔入污出甚者指
目爲盜吁可慨矣常恨力微不能一濯此風延祐丙辰十
一月 仕爲嘉興 學掾始至

大成殿下撫心自矢嘗欲新天下學校未能也獨不能自
新其學乎乃延見職事耆儒問曰租幾何曰歲豐可得三
四百

問者尙五百餘石問前規咸曰撐補架
漏無足法者僕聞之益自勵又念一郡政化師 主之校

官末屬不獲乎上不能

明年秋八月東平徐公

傑之以刑部侍郎出守嘉興一日周視殿廡堂構曰何陋如之僕因請曰公能匡之翼之不拘以

以竭股

肱之力以成公志公曰諾於是督租入節浮費銖積寸累得中統鈔八伯餘定察郡察中惟錄事王君安之有辦

事卽檄從之乃盡以所儲之貲付焉視材役立

具有寶績其

大成殿五間大成門三間鼎新齋蓋易瑕爲堅創造殿前
毬教朱欄一十六片樂軒一所充拓 廡一十八間從祀

爲塑屏以金漆欄障凡八十片覆以

天花頂板金朱

大成門牌一面 紅正門二扇內外階道地面磚礮瑩然
創建東西持敬存誠禮亭六間金漆槁障 片黑窻廿八
片兩亭坐榻一周備新 星門三座整飾陸宣公高

學士祠堂二所磚砌宮牆一十六丈翻瓦育德亭三間贊
周圍粉牆五十餘丈庑庭之前列樹以栢廟垣之外環
時以竹又以學廩餘貲完葺八齋易壁以板齋中几榻具
脩置大字通鑑紀事本末書板四千五百八面增真經史
文集及正禮堂金漆椅卓三十件觀頤堂鐵器三百餘兩
費皆出口口公用之餘一豪不以謁諸人也自延祐丁巳
十月甲申興工至明年九月將落成泐西廉訪副使東平
張公仲端按臨嘉禾又明年二月僉憲鄧公善之巡行讞

獄二公咸曰浙西學校所無也僕對曰皆郡侯力也僕何有焉諸生有請書其事者僕語之曰

宓子賤單父之政乎單父之政非子賤之能也魯君不掣其肘之功也徐侯寬洪樂善推賢讓能長公也口口懷遠後至 崇尙文事遇朔望則率僚屬吏士拜牖聽講無倦容明年冬徐侯擢長淮東憲府而長公又能規隨敦勸故迄底于成由此言非承流宣化者主之於上一教官豈能措其手足也

衆皆曰噫 是記而刻諸石本路官同知奉議桑哥釋里治中信武孫文清府判承事大都驢推官承直梁 元承直裴堅經歷承事焦鈞知事將仕葛元英照磨石珍皆同寅協恭者也

致仕教授陳應翔耆儒吳躍龍周安孫葉知本

立

石

右碑文正書二十八行在嘉興縣此教授陳良弼與
郡守東平徐傑之修學而良弼自爲紀事也中述興
造制作器具書籍頗爲詳盡又置大字通鑑紀事本
末書板四千五百八面洵足稱佑文之士矣按宋寶
祐間趙節齋與意見袁樞通鑑紀事本末嚴陵刻本
字小且訛精加雘校易爲大字刊板藏之其孫明安
過嘉興謁學官見宣城陳良弼嘆曰我有托矣庶幾
不負吾祖之用心矣出所藏板示之曰昔有雲間好
事者出中統鈔三百定求市吾不忍售恐流散不能

久傳也若置之嘉禾學宮償半值亦無憾矣適御史
宋一齊劾憲鄧善之臨是郡聞之曰有補文治其速
成之學宮適助創試闢之費力不能如趙所需乃出
中統鈔七十五定價之時延祐六年三月事也

元紹興路學修大成殿記

學初於宋之慶厯逮嘉祐中徙置城南積久蠹弊而禮殿
爲尤甚至元壬辰撤而新之其成之亟也厯歲三十寢復
墮圯部使者何公按事括越謁庭下歎曰殿之成近耳已
趨於壞失今不圖其何以久乃與有司議所以葺之者於
是總管胡公涖政始逾月意與何公合屬教授古汴劉君
洪量材度庸無取於士無勞於民學計不足則收宿逋以

佐其用命錄事呼延君璋董其役未幾而隳者完傾者固
表裏藩飾煥然華好越人士美是役也俾性爲之記嗟夫
記者著事之成以垂訓將來者也天下之事爲之於當可
之時其施勞易其成功遠忽而弗察也怠而弗爲也偷安
日日卒至於不可爲若是者何可勝數今二公之爲斯役
也當其可爲之時而不以重勞爲憚故能於旬月之間復
新椒之美以大慰越人士之望使後之繼者皆能若是雖
永勿壞可也是可垂訓將來矣抑有進於是者廟學之設
將使爲士者鼓篋釋菜而講習於此非直爲觀美而已天
之生人有常性人之生有常事私欲之萌而復知遠也情
慢之習而爲之無勇也失其常者有矣善爲學者精以察

之勤以爲之母忽母息母失其當爲之時勉勉循循致其
緝績之功焉用力之久盛德日新而不窮矣然則是役也
豈特垂訓於將來亦學者之所當深省也記役之成因著
其說以與吾黨之士繹之役始於至治改元仲春閱三月
而畢工云何公名約字仲博河中人胡公名元字善甫世
家順德今爲開平人是歲孟秋上澣安陽韓性記 天水
趙良魁鐫

右碑在紹興府學文十六行行書徑寸安陽韓性撰
文爲部使者何約總督胡元重修大成殿而作也韓
性字明善紹興人其先家安陽魏忠獻王琦八世孫
天資警敏讀書日記萬言及長博綜羣籍爲文自成

一家四方學者多出其門卒謚莊節先生見元史本傳

元資聖寺長生修造局碑

嘉興路資聖禪寺長生修造局記

本覺禪寺住持佛鑑禪師如芝譔 前翰林學士承旨

榮祿大夫知制誥兼修國史趙孟頫書并篆題

寺之勤舊所以股肱住持毗贊法社錯綜庶務酬酢事物律貪以廉滅私以公故住持特以一於王法藁林特以有興無廢返是無取焉寺有勤舊曰資瑞號雪巖里人也性簡儉不競時習護常住不翅眼睛膏已豐人崇善樂施嘗設冥供千如來飯千比丘特捐財置田取租爲藏殿選僧

堂長明燈膏之瞻重粧

大雄殿佛及圓通大士諸天肖像金彩焜炫縣朱殿粧轉
贊殿堵中外華好嚴飾畢備復施統鈔壹千五百緡建造
盧隱經堂減塑歲修道場像設一日語余曰寺之缺文補
苴殆十八九唯佛殿自祖禪師始創歲久將腐撓藏殿雖
年近滲漏頗多二者皆大緣事矧常住歲入租爾日支不
給且仰貸富室曷取贏而奏成乎願竭囊長出統鈔貳千
五百緡爲長生局本命四勤舊王掌遇寺支乏立券就貸
依時生息歲無豐凶必本息頓償毋縮展轉貸償廉慎出
內厥息蕃衍用以買田入租專給興修土木工直之費毋
他侵取本則常存計圖綿遠其可否乎余曰公之操心若

是可謂捨人之所難捨能人之所難能非惟資土木無窮之需抑俾比歲主事者無登門告急之煩無索逋隙突之擾一舉而兩得功莫大焉合紀而刻諸堅珉庶傳遠而弗替復爲後之來者勸於是乎書

至治元年辛酉冬十月十五日建 郡人曹子明鐫

右碑文正書十七行在秀水縣資聖寺今名水西禪寺按寺唐會昌中黃檗禪師開山卽廢大中復立相傳宣宗潛邸于此卽位後賜名資聖舊在城外乾寧二年移入城中碑述勤舊資瑞捐財修繕置田贍衆復竭囊爲長生局立券就貸依時生息以給土木工直之費故如芝記之是時寺有長生庫質物以滋錢

此則剗約以餘利皆瞿曇之宏羊也

元西湖書院增置田碑

西湖書院增置田記

將仕郎前建康路政和縣尹湯炳龍撰 將仕郎前江

浙等處儒學副提舉白珽書 集賢大學士榮祿大夫

廉希貢篆額

古者之興學校一以教養爲先務而養又先於教也記王制論虞夏商周之上下庠必先言國老庶老之養有虞氏以米廩名學匪專爲柔盛之委而設而養士或先焉庠之義亦養也孔門五秉九百之與弟子猶賴聖師而食而欲授孟子室者必拳拳於萬鍾之養而後及口夫國人之有

所矜式益士得其養則置身禮義人人皆思爲聖爲賢爲君子爲善人於是政化行而習俗美是養之者所以教之其機括政在是矣西湖古無書院自至元丙戌徐廉使改舊壁庠爲之創建之初恒產缺然越二年松江瞿運使嘗一再助田合四百伍拾叁畝肆拾陸步歲得米壹伯叁拾石院中經費浩瀚延祐戊午續置杭之仁和田陸拾捌畝壹角收米伍拾肆碩陸斗猶未給用次年周廉使特爲勸率有高訾樂助者并取補刊書板餘力及以贏糧轉售其得中統鈔陸伯餘定於是憲府知事趙將仕與經歷宋從仕建議增產力言於廉使泊闔司官同主其說僉曰是當爲者遂置湖州烏程平江崑山二莊共田拾壹頃貳拾玖

畝叁拾伍步有零歲除優放實收米柒伯伍拾貳石壹斗壹升伍合山地共貳拾壹畝貳角壹拾步房廊壹拾貳間歲得租錢中統鈔貳定叁拾捌兩玖錢捌分自此春秋祭奠師生廩餼興益補葺一皆取給於此近歲以來誠爲創見之舉今憲府長貳皆昭代名公他日增益完成當不止是嘗謂吾道之盛衰係乎時學政之廢興存乎人係乎時者屬盛世文明之運存乎人者屬當路賢哲之官機緣相值之巧識者知吾道其大昌乎將見鼓篋踵堂挾策全集何啻四方八千而止使凡任風憲者倣倣而行豈非天下儒風之大幸歟山長陳表直學朱鈞及諸生欲寫之堅瓠以傳不朽辭弗獲姑爲述其槩云

湖州

二字橫列

烏程縣口契至治元年十一月置錢茂之民田

土貳頃伍拾柒畝八分捌厘陸毫米貳伯貳石貳升

右在杭州府學正書二十三行行三十五字徑五分
杭府學碑多無額者屢徙遺亡也按學之有田自宋
始書院亦學也不可無田以贍之此田自瞿運使始
周廉使又爲之勸率樂助於是宏規具舉山長陳柔
屬炳龍記事焉徐廉使者東平子方也瞿運使者松
江霆發也周廉使者饒州伯琦也白斑字廷玉號湛
淵四明人李簡薦授學正見宋濂撰墓志

元重修通元觀碑

重修通元觀記

特進上卿元教大宗師吳全節撰并書

凡今爲吾道之教者爲宮殿樓觀門垣務極宏麗而像設其教之所由興及其所爲輔者崇祠之以爲聖天子祝釐之所故法制與王者埒而無所禁自京師至郡邑皆然有來告而求識者大抵侈國家崇尙賜予之盛極其土木營繕之勞而已杭城道士俞行簡告予天下名山嶽鎮爲大而吳山實浙之大觀郡之形勝也而山之奇勝處皆仙宮琳宇而山之南麓有道觀宋賜額曰通元者高宗南渡紹興中中貴鹿泉真人劉公能真修真之所公嘗夜夢三茅君駕鶴旋繞其處翌旦則有三鶴翔空遂創斯所逮今有元百數十載國運雖革而觀宇莫廢予故募衆緣役匠石

掄材治甃修玉清茅君之宮殿建謁斗望鶴之口臺暨山
門廊宇槩而新之請爲我紀其事著銘勒石垂諸不朽予
聞行簡之言因有感焉夫茅君之仙蹤勝蹟顯靈於世載
諸道典者久矣故累朝設官奉祀香火在金陵之句曲山
爲尤盛而通元之建自鹿泉始今行簡有恢復之勞所以
崇奉茅君祝聖佑民俾三光全而寒暑平五穀熟而人民
育翊皇圖於萬年播元風于悠久則未必無小補云爾謹
稽首而爲之銘曰眞君昔下茅山峰獅子白鶴歌嚶嚶龍
旂鸞輅颺天風霞裾月珮開靈宮天香繚繞花雨濛眞君
宴處百福崇上帝錫命嚴且隆九天司命垂元功道包宇
宙恩龐洪物無疵癘年穀豐徵臣著銘書亦工巨鰲負石

厚以穹通元福地垂無窮通元福地垂無窮

至治二年歲次壬戌孟春吉旦本觀道士行簡法師七十
七翁俞真靜刻石

右在通元觀後正書十六行行三十九字觀始末見
劉敖自述碑記此云修玉清茅君之宮殿建謁斗望
鶴之口臺卽劉記所云前創茅君之庭後豎三清之
殿築謁斗臺于乾維立放鶴亭于艮位是也但劉碑
作放鶴此記作望鶴諸志從之未深攷也蒙古太祖
鐵木真起宋寧宗嘉泰二年至元英宗至治二年實
一百有六年此云百數十載亦約略言之耳

元烈婦王氏事述

王氏婦赤城人也家世未聞至元丙子天戈南指士馬充斥有自赤城得王氏挾至剡青楓嶺王氏爲詩嚙指血書于石厓自湛死見者莫不盡然爲之傷感或作詩嗟悼之余來佐剡道越見宣武將軍紹興路鎮守脫帖木爾爲余道其事且曰昔鎮剡時欲紀之石未果也君其圖焉余至邑詢父老間往往能道其詳且得所爲詩後過其處復見其遺蹟至今四十餘年苔荒雨蝕字幾不可辨而血痕漬石間隱隱也夫一念之烈貫徹金石久而不泯亦異矣噫殺身成仁聖人惟許之志士仁人今以一婦人而能奮不顧身視死如歸豈不難哉余懼事愈久而跡愈泯與同寮謀而語之邑人卽其旁築小室刻其事於樂石以傳諸遠

以俟採錄焉蓋亦厚風俗之一端也併系其詩于左至治二年歲在壬戌夏五月從仕郎紹興路嵒縣丞東平徐瑞述

王氏詩

夫君不幸妾當災

棄女拋男逐馬來

夫面不知何日見

妾身還是幾時回

兩行怨淚頻偷滴

一對愁眉乍得開

遙望家鄉何處是

存亡兩字苦哀哉

典史沃壽甫楊沐

紹興路嵒縣尉徐垓

從仕郎紹興路嵒縣主簿薛良弼

從仕郎紹興路嵎縣丞徐瑞

承直郎紹興路嵎縣尹兼勸農事張忙兀歹

忠顯校尉紹興路嵎縣達魯花赤兼勸農事別都魯丁
右刻在紹興府嵎縣清風嶺上正書二十行行字不
等篆額三行按烈婦碑當時惟泰不華篆書一刻最
著而立于府學嵎縣無之此縣丞徐瑞承脫帖木爾
之旨爲補刊于石并附其詩宣武將軍紹興路鎮守
元史兵志至元二十二年江浙省募鹽徒爲軍以備
各處鎮守知諸路皆有之別都魯丁以至治元年任
張忙兀歹以延祐二年任舊志譌兀爲古當以碑証
之

元伯家奴造像題名

朝廷差來官驃騎衛上將軍左衛親軍都指揮使伯家奴
發心喜捨淨財莊嚴麻曷葛刺聖相一堂祈福保祐宅門
光顯祿位增高一切時中吉祥如意者

至治二年月日立石

右在寶成寺摩崖正書五行字徑一寸按伯家奴元
史百官志至正五年山北遼東道奉使宣撫以宣政
院同知伯家奴爲之續宏簡錄至正十六年汝穎賊
破潼關河南平章伯家奴以兵守之未知卽是人否
錢官詹云元置左右衛親軍都指揮使司本在京師
奉使在杭不知何公事也泰定帝元年塋馬合吃刺

佛像千延春閣之徽滿亭輟耕錄亦稱馬哈刺佛柳
貫護國寺碑云摩訶葛刺神此作麻曷葛刺譯音無
專字也

元大慈山定慧禪寺碑

以前闕幾行不可計

皇元南征宿兵其興也屋宇山田抗

大叢林其廢也惟一殿二塔歸然山田淪爲民業時有僧
克符者不忍寺廢守門菴待其復舊嘉定間史衛王當國
請命于朝移額四明建道場付祖山不問至元來殘毀榛
蕪益甚有蜀僧圓實山者入山起廢畚瓦礫得斷像草間
完飾而祠之儼然祖師振衣定起之相識者曰寺當興時
楊總攝統教江淮欲觀泉靈異大作佛事僧百誦經咒泉

竟不沸揚意沮而寺如故大德庚子霍谿胡鹽使有感回公時節因緣之一言一新門廡殿堂僧室厨庖又買田九十畝贍衆六傳至成止巖改中門嚮東偏攻石壁路翼亭半山揭古禪林復樹屋五楹奉補陀大士其中集學徒朔望陞堂講辨有高麗耆宿修懺菴者隨喜讚歎與征東萬戶張瑄同捨一大藏經閣之堂序由是定慧之爲定慧士田雖未復於初創規制大有加於中興或曰席美蔭可安禪缺上腴難容衆余曰有田固樂無田亦何憂之有今西湖之上非有賜田百頃而易產民間又安得不征之壤供此鼓鐘萬指之費哉使僧飯于堂而主僧輟食以從租庸調之役是以養之者害之也故以田爲常住不若以身爲

鑑 武侯傳 通監綱目 仁皇訓典 唐書直筆 子

由古史 唐六典 救荒活民書 臨安志 崇文總目

四庫闕書 唐書音訓

子 大楷 顏子 曾子 荀子 列子 楊子 文中子

太元溫公注 太元集注 武經七書 百將傳 新序

集 大楷 通典 兩漢蒙求 韻類題選 回文類聚 聲

律關鍵 西湖紀逸 農桑輯要 韓昌黎文集 蘇東

坡集 唐詩鼓吹 張南軒文集 曹文貞公集 武功

錄 金陀粹編 擊壤詩集 林和靖詩 呂忠穆公集

王魏公集 伐檀集 王校理集 張西巖集 晦菴

大全集 宋文監 文選六臣注

西湖書院重整書日記

文者貫道之器爰自竹簡更爲梓刻文始極盛而道益彰
西湖精舍因故宋國監爲之凡經史子集無慮二十餘萬
皆存焉其成也豈易易哉近歲鼎新棟宇工役恩遽東遷
西移書板散失甚則置諸雨淋日炙中駸駸漫滅一日憲
幕長張公昕同寅趙公植柴公茂因奠謁次顧而惜之謂
興滯補弊吾黨事也迺度地于尊經閣後創屋五楹爲庋
藏之所俾權山長黃裳教導胡師安司書王通督口生作
頭顧文貴等始自至治癸亥夏迄于泰定甲子春以書目
編類揆議補其闕噫昔人勤於經始張公長貳善於繼述
此志良可嘉也是用紀其實績并見存書目勤諸堅珉以

傳不朽非獨爲來者勸抑亦斯文之幸也歟山長陳表記
前教諭張慶孫書并篆泰定元年九月直學朱鈞立

右在杭州府學正書二十二行行十三字篆額不存
碑前列四庫之目據後跋則皆書板也緣時鼎新棟
宇遷移散失于是幕長張昕等創屋五楹以庋之按
元黃潛西湖書院義田記云西湖書院實宋之太學
規制尤甚舊所刻經史羣書有專官以掌之號書庫
官宋亡學廢而板庫具在至元二十八年承旨徐文
貞公治杭以其建置之詳達於中書俾書院額立山
長書庫之所掌悉隸焉郡人朱慶宗捐宜興州田二
百七十五畝歸於書院別儲以待書庫之用卽此碑

之先事也宋時刻本以杭州爲上蜀木次之福建爲下觀目中所列皆有傳本間有一二如西湖紀逸張西巖集近世罕覩當時所刻想無題識如陸親棚北等字故藏書家亦莫能道之者相傳入元皆輦而之北惟存臨安一志今所傳宋本應卽院本也禮部韻畧當時有石本在江陰縣學中黃裳字景杜眉山人善書工詞藻見寧波府志

兩浙金石志卷十五 廣州府澳門同知桐鄉金錫鬯刊

臨海洪瞻墉校